

續資治通鑑長編卷二百三十

宋 李燾 撰

神宗

熙甯五年二月辛亥朔御史知雜事鄧綰言近朝廷以
 大宗正丞李德芻罪惡彰明差王陟臣背公向私掩覆
 其事乞別命官根治詔送御史臺劾問綰又言元因本
 臺官彈奏顯屬妨礙乃差權判刑部沈衡置司推鞫其
 後獄成法寺當德芻賊罪笞詔贖銅四斤衝替王安石
 為上言德芻於職事殊不苟但好陵人故宗室怨之上
 曰德芻兄弟皆驕好陵人亦其天性也 陝西都轉運
 使工部郎中直史館謝景溫知襄州

林希野史云自呂公著罷王安石不

除中丞意在謝景溫故先使權理檢使事以誘之及景溫劾蘇軾安石大喜而其兄初及親友日夜責其名節

勞故也

郭逵傳云逵遣別將孫寘犄角破賊羅城峒拔

棄城走追擊大破之范祖禹作達墓銘云仕義反達加

帶御器械充湖北鈐轄兼知澧州捕得仕義親信置左

右以爲嘉祐三年春用久乃備言山川地形虛實情僞用

兵短長嘉祐二年春用久乃備言山川導以步兵進討破羅

城峒及賀府等二十餘隘拔新州又銜枚夜進踰旬至

仕義所居桃花洲一戰破之仕義棄城走蠻酋百餘人

使實錄會要載平蠻事極詳今附見

賜開葛家崗河

役卒緡錢恭謝天地之歲始用薛向議罷並邊入中

粟自京輦錢帛至河北專以見錢和糴惟入中芻豆則

仍計直給茶行之未久

志用薛向議在嘉祐元年十月本
之論者謂輦運科折煩擾居民且商人入錢者少芻豆
虛估益高茶益賤詔翰林學士韓絳龍圖閣直學士知
諫院陳旭卽三司經度絳等言自改法以來邊儲有備
商旅頗通未宜輕變唯輦運之費宜敕有司悉從官給

而本路舊輸稅絹者毋得折爲見錢其入中芻豆罷勿
給茶所在平其市估至京師以銀綢絹三物償之皆從
其說自是茶法不復爲邊糴所傾而通商之議起矣初
官旣權茶民私蓄販皆有禁臘茶之禁尤嚴於他茶犯
者其罰倍凡告捕私茶皆有賞然約束愈密而冒禁愈
蕃歲報刑辟不可勝數園戶困於征取官司旁緣侵擾
因而陷于罪戾以至破產逃匿者歲比有之又茶法屢
變歲課日削至和中歲市茶淮南纔四百二十二萬餘
斤江南三百七十五萬餘斤兩浙二十三萬餘斤荆湖
二百六萬餘斤惟福建天聖末增至五十萬斤詔特損
五萬至是增至七十九萬餘斤歲售錢并本息計之纔
百六十七萬二千餘緡官茶所在陳積縣官獲利無幾

論者皆謂宜弛禁便先是天聖中有上書者言茶鹽課
虧帝謂執政曰茶鹽民所食而強設法以禁之致犯者
衆顧贍養兵師經費尙廣未能弛禁爾景祐中葉清臣
嘗上疏乞弛禁清臣疏已見景祐三年三月下三司議皆以爲不可
行至是著作郎何禹三班奉職王嘉麟又皆上書請罷
給茶本錢縱園戶貿易而官收稅租錢與所在征算歸
權貨務以償邊糴之費可以疏利源而寬民力嘉麟爲
登平致誦書十卷隆衍視成策二卷上之淮南轉運副
使沈立亦集茶法利害爲十卷陳通商之利宰相富弼
韓琦曾公亮等決意嚮之力言于帝癸酉命絳旭及知
雜御史呂景初卽三司置局議之

乙亥秦鳳經略司言西番嘉勒斯賚與契丹通姻先是

嘉勒斯賚納克壘阿匝爾等叛歸夏國諒祚乘此引兵

攻掠境上嘉勒斯賚與戰敗之獲酋豪六人收橐駝戰

馬頗衆因降隆博哩恭瑪頗克三族會契丹遣使送女

妻其少子董戩乃罷兵歸此據本傳乃嘉祐三年事今附見契丹既與

嘉勒斯賚通姻數遣使由回鶻路至河湟間與嘉勒斯

賚約舉兵取河西河西謂夏國也欲徙董戩涼州與之

相近嘉勒斯賚辭以道遠兵難合乃止此據高永年隴右日錄并汪藻

青唐錄契丹之妻董戩也遣使送之久留不還間而盡其

妻董戩知之殺其使置其妻不見母喬氏喻董戩宜以

契丹故親其妻董戩不從此據汪藻青唐錄附見

丙子屯田員外郎李師中提點廣南西路刑獄師中建

言嶺南自古不利戍兵乞置土丁募敢勇家丁至四五

則藉一人總為五番上州教閱不及五百人為四番利
器械農隙訓之禁一切他役上番則給糧免稅校長免
二丁稅于是四路得四萬餘人又請通鹽商以便民復
邕州和市場以實邊事多施行桂州興安縣有靈渠北
通江湖南入海自秦漢通舟楫皆石底淺狹十八里內
置三十六斗門一舟所載不過百斛乘漲水則可行師
中積薪焚其石募工鑿之廢斗門二十六役三旬而成
舟楫以通

辛巳天平節度使宣徽南院使張堯佐卒贈太師賜其
家餼舍錢日三千堯佐起寒士持身謹畏頗通吏治曉
法律而晚節以戚里進遽至崇顯戀嫪恩寵為世所鄙

呂陶記聞云唐子方在言路以忠義結主眷一日登對
仁宗從容與語及諍諫事且謂言者有過當常指朕用

張堯佐必有如明皇播遷之禍朕果用一堯佐豈遂爲
明皇播遷乎子方對曰用堯佐未必播遷陛下若播遷
則更不及明皇蓋明皇有肅宗興復社稷陛下安得有
肅宗乎上變色徐曰此事與韓琦商量久矣蓋欲立英
皇也張說幾諷時爲臺簿知之
說謂余言陶記此事考按未合

丁亥降知鄧州吏部郎中天章閣待制劉元瑜知隨州
坐前知潭州私補畫工易元吉爲助教會要在二年九月今從實錄

以施州溪峒蠻向永勝所領州爲安定州

己丑契丹遣長甯節度使蕭翥衛尉卿郭竦來謝慰奠
辛卯單州團練使劉永年爲齊州防禦使高陽關部署
臺諫官言永年進緣戚里未嘗有軍功乃復爲單州團
練使知涇州

壬辰詔在京諸司庫務監交檢點官物差未授外任京
朝官已授外任者毋得差

癸巳以葛家崗新開河為永濟河凡役工六十三萬九月而成

冬十月辛丑以故西番獎州團練使轄戩子轄奇鼎摩

正為河州刺史轄奇鼎摩正即趙思忠熙甯七年六月賜姓名治平元年七月丙戌更授河州

轄結策丹烏沁為本族都軍主轄結策丹烏沁不知轄後來有無曾賜姓名轄

烏察為副軍主烏察即趙紹忠木傳云摩正母弟轄烏察居銀川聶家山至和二年補本族

副軍主與實錄不同會要至和二年亦無轄烏察補副軍主事今不取本傳又稱轄烏察為摩正母弟與高永

年元符隴右錄及汪藻轄戩居龕谷屢通貢初授澄州

團練使授澄州在寶元二年四月居龕谷其詳附景祐三年末後遷獎州不得既

生摩正因入秦州過伏羌蕃部李提克星見其女欲之

提克星曰吾女已嫁棄夫歸今妻汝夫聞之必怨恐其

讎我汝今還以兵來劫我可也轄戩從之遂舉兵逆其

女以歸生轄智及轄烏察此據高永年隴右日錄及汪藻青唐錄汪藻云生轄智高

永年云生轄烏察今兩存之而轄戩又有子曰轄烏納轄烏納克戩克戩後

不及賜曰轄烏延正凡後賜姓名曰趙濟忠轄戩轄戩既

死摩正弱不能自立青唐族酋轄約高永年云轄約今

格羅及僧羅遵迎居洮州欲立以服洮岷疊宕武勝軍

諸羌高永年云武勝軍今熙州秦州以其近邊逐之乃還河州此據

又汪藻青唐錄云轄約格羅及僧羅遵共迎摩正徙帳

居宕州欲立文法服諸羌秦州遣人諭之會諸羌不從

摩正逐轄約復還河州藻所云徙帳居宕州又云逐轄

約與本傳不同當考又高永年云轄戩舅李都克占怒

與轄約爭班轄約以妹妻摩正摩正右轄約都克占怒

曰爾以妻為親以父為疏耶遂舉兵攻摩正摩正徙安鄉

城與本傳及青唐錄不同兼不載還和州事當考永年

癸卯詔客省引進四方館使自今遇有闕員須改官四
年以上方聽除授之

甲辰詔河北陝西河東路轉運使應有功使錢州軍並
權停回易聽以官地所產及不係省房錢助其歲用如
尙不足卽以戶絕及閑田差官檢定所出課利量多少
給之從包拯議也

乙巳出內藏庫綢絹十萬下河東轉運使助糴軍儲

丙午賜天竺譯經三藏試光祿卿法護諡曰演法大師
法護遺表請度十僧秘閣校理陳襄判祠部執奏不行

襄已見蔡襄知福州時襄傳云趙槩奏列子
廟三年度道士襄亦執奏不行當考年月

己未降內侍副都知昭宣使果州防禦使武繼隆爲單
州都監尋改海州都監坐故出內侍省吏闌入御在所

死罪及私役兵匠計庸至百二十二匹及受洪福寺僧

餽遺事為諫官所奏

此據英宗實錄八年七月繼隆復

兵曹園亭然英錄乃云責單州都監與仁錄不同蓋先
責單州尋改海州百官表并陳旭傳可考陳旭傳云繼
隆擅役官兵匠治圃舍內侍省吏人闌入罪當當追一

死杖而縱之旭劾奏繼隆坐追官為單州都監

官勒停特免之翰林學士兼侍讀學士趙槩同繼隆提舉諸司庫務繼

隆既被劾槩亦為御史所彈庚申槩罰銅三十斤時槩

已罷翰林學士出知鄆州未行也

癸亥詔河北諸州軍坊郭客戶乾食鹽錢令坊正陪納

者特除之

甲子提點江南東路刑獄祠部員外郎王安石為度支

判官安石獻書萬言極陳當世之務其略曰今天下之

財力日以困窮而風俗日以衰壞患在不知法度故也
又曰今之失患在不法先王之政法先王之政者當法
其意而已法其意則吾所改易更革不至于傾駭天下
之耳目囂天下之口而固已合乎先王之政矣又曰方
今天下之才不足豈非陶冶而成之者非其道而然乎
又曰方今之急在于人才而已又曰人之才未嘗不自
人主陶冶而成之所謂陶冶而成之者亦教之養之取
之任之有其道而已又曰今之教者非特不能成人之
才又從而困苦毀壞之使不能成才又曰因天下之力
以生天下之財取天下之財以供天下之費自古治世
未嘗以不足爲天下之公患也患在治財無其道爾又
曰在位之人才旣不足矣而閭巷草野之間亦少可用

之才則非特行先王之政而不得也社稷之託封疆之
守陛下其能久以天幸爲常而無一旦之憂乎臣願陛
下鑒漢唐五代之所以亂亡懲晉武苟且因循之禍明
詔大臣思所以陶成天下之才慮之以謀計之以數爲
之以漸期爲合於當世之變而無負于先王之意則天
下之人才不勝用矣又曰陛下誠有意成天下之才則
臣願陛下勉之而已又願陛下斷之而已又曰臣之所
稱流俗之所不講而今之議者以謂迂濶而熟爛者也
惟陛下下畱神而察之 詔淮南江浙荆湖制置發運使
孫長卿理三司副使資序令久任

長卿揚州人

是月詔于景靈宮建郭皇后影殿翰林學士歐陽修言
景靈宮自先朝以來崇奉聖祖陛下又建真宗皇帝章

懿太后神御殿于其間天下之人皆知陛下奉先廣孝
 之意然則此宮乃陛下奉親之所今乃欲以後宮已廢
 追復之後建殿與先帝太后並列竇神違禮莫此為甚
 伏乞特賜寢罷以全典禮詔送禮院詳定禮院言臣等
 看詳諸寺觀建立神御殿已非古禮先朝崇奉先帝太
 后示廣孝思猶依倣西漢原廟故事今議立郭皇后影
 殿于禮無據難以奉行其事遂寢按太常因革禮云嘉
 日敕于景靈宮建郭皇后影殿歐陽修等言其不可而
 實錄不書二年八月書詔修郭皇后影殿于洪福禪院
 其令太常禮院參定典禮以聞又于三年十二月王辰
 書禮院言奉敕修郭皇后影殿于洪福院今詳景祐追
 册詔書已停謚册附廟之禮其修影殿又于典禮無文
 伏請寢罷詔兩制同禮官檢詳附廟典禮以聞據會要
 請建影殿于洪福院乃楊安國事在四年七月不知實
 錄何故乃于二年八月及三年十二月書之今不取實
 錄又于四年八月書知制誥劉敞言禮官倡議欲附郭
 后于廟禮官倡議附廟實錄亦不載緣由按因革禮則

事固有次第大抵實錄書此事太疎略固當以因革禮
為正會要但能記洪福影殿由楊安國建議若祔廟又
止稱詔書亦未詳盡也司馬光日記云先是詔為郭
后于寺觀立影殿都官員外郎權發遣修造案陳昭素
以其勞費乃上言神御殿非古法按禮當祔于祖姑乞
祔淑德皇后廟詔從之按因革禮則祔廟之議實出禮
官不錄昭素司馬記當時事不應誤然國史不載今亦
止從因革禮孫抃行狀蘇頌傳當考已附四年八月
十一月辛未太常博士祕閣校理知濱州王起著作佐
郎簽書判官廳事宋定國各追一官勒停初本州牙前
劉玉經轉運使李參訟私船侵奪官渡課利而起等常
以私船回易官鹽益公用故主私船戶而不直玉及轉
運使劾其事輒上奏論辨至是遣職方員外郎李真卿
就州置獄皆以上書詐不實罪坐之
壬申知諫院陳旭言有司斷獄而事連權倖者多緣中
旨得釋自今乞劾其干請之罪以違制論從之